





宋朝事實

四五

二



| | |
|------|---------|
| 內閣文庫 | |
| 番號 | 漢 9198 |
| 冊數 | 8 (2) |
| 函號 | 294 25 |



宋朝事實卷四

宋

李

攸

撰

郊赦一

太祖乾德元年

案東都事略十一月甲子合祭天地于

宋史十一月甲子十六日也此書失載月日




南郊禮成車駕將還宮有司請

乘金輅上顧侍臣曰朕欲乘輦可乎對曰無爽典禮乃

改乘輦還帝御明德門赫赦前一日有司設文武百官

皇親及蕃國諸州朝貢使僧道耆老位于明德門外太

常設宮縣置鉦鼓其日刑部錄御史臺開封府京城繫



囚以俟及車駕還至明德門內就幄次改御常服羣臣就位皇帝登樓卽御坐樞密使副宣徽使分侍立仗衛如儀通事舍人引羣官橫行再拜訖復位侍臣宣曰承旨通事舍人詣樓前侍臣宣敕樹金雞通事舍人退詣班宣付所司訖太常擊鼓集囚少府監樹雞竿于樓東南隅竿木伎人四面緣繩爭上取雞口所銜絳幡獲者呼萬歲樓上以朱繩貫木鶴仙人乘之捧制書循繩而下至地以畫臺承鶴有司取制書置案上閣門使承旨引制案宣付中書門下轉授通事舍人北面宣云有制

羣官再拜宣赦訖還授中書門下轉付刑部侍郎承制釋囚羣官稱賀閣門使進詣樓前承旨宣達訖百官又再拜蹈舞而退赦文門下朕以三靈眈命五讓興邦躬親罔憚于萬幾德教將加于四海屬歲時屢稔華夏大同于戈漸偃于靈臺文軌皆通于象闕俗阜而南薰風競刑清而貫索星沈仰觀則日月麗天俯視而龜龍在沼加以物無疵癘民樂雍熙蓋玄穹垂祐于皇家非涼德自臻于昌運由是攷百王之舊制緝千古之憲章隆典必修無文咸秩潔犧尊而謁清廟被大裘以郊上玄

萬乘雲屯而在途千官星拱而就列公侯助祭共江漢以朝宗鐘鼓在懸與風雷而相薄百靈受職羣后受釐明德惟馨神心有答非烟塞望以呈瑞嘉氣浮空而龔人民具爾瞻禮無違者乃回金輅乃御應門律且協于黃鐘日正臨于甲子順三元之更始慶萬彙之咸亨而又藩岳勲臣宰衡庶尹外達蠻貊內暨緇黃謂予歷數在躬以應天廣運順其美謂予溫恭允塞以仁聖文武成其功兼至德之隆名盡哲王之能事物議斯允予衷莫違宜覃曠蕩之恩用慰黎元之望可大赦天下云云

於戲崇德報功取天地無私之象眚災肆赦推雷雨作解之恩更賴中外大臣佐佑厥辟必使萬邦黎獻盡躋仁壽之鄉百姓平章用致勲華之上布告億兆咸使聞知其後郊祀遵用此制改是年爲乾德元年宣制畢御崇元殿百寮奉玉冊上尊號曰應天廣運仁聖文武至德皇帝壬申大宴于廣德殿上壽號曰飲福宴

乾德六年改開寶元年十一月二十四日南郊赦文門下我國家受天景福率土咸賓聲明洞照于萬方德教咸加于四海風雨順而歲年豐稔干戈戢而刑政澄清

域中共慶于小康海外咸欣于至化朕顧惟寡昧祇奉
 玄穹荷上帝之垂休致中原之大定遂發誠意再舉舊
 章恭陳告謝之儀仰答自天之祐羽衛森羅而在野王
 公肆覲而在庭六樂無不調五禮無不備躬奠玉爵陟
 配紫壇具物薦誠神心昭格非煙塞望以呈瑞嘉氣浮
 空而降祥宜與寰區同茲胥悅象闕既還于綵仗雞竿
 大舉于鴻恩同玉歷之惟新與蒼生而共慶盡日月照
 臨之內罔間幽遐極車書混同之邦咸均雨露庶成瑞
 拱永洽可封可大赦天下

宋史開寶元年南郊大赦
 十惡殺人官吏受贓者不赦

後凡郊赦俱
 大略倣此

改乾德六年為開寶元年自今年十一月

二十四日昧爽以前云云於戲皇王報本之義乾坤助
 順之祥既舉彝章諒無闕政更賴中外宣力將相同心
 保黎庶之乂安致邊陲之寧靜扶持景運翊亮皇猷長
 懷魚水之歡共樂太平之化布告億兆咸使聞知

宋史是

年南郊禮成上尊號曰應天廣運大聖神武明道至
 德仁孝皇帝前乾德元年赦文載尊號此後多失載

赦文門下我國家膺上天之景命洽四海之歡心車書
 大同聲教遐被爰自塵清五嶺浪靜南溟開萬里之封
 疆致兆民之蘇息山川克復日月光華風雨順時歲年

大稔朕君臨天下道莅人寰致率土之同情自玄穹之垂貺于是恭循典禮親執豆籩當愛日之選長馨虔誠而告謝羣后執圭而肆覲神郊備物以陳儀柴燎既升乾光下燭瑞氣浮空而不散生民鼓舞以同懽宜覃作解之恩用洽自天之慶可大赦天下自開寶四年十一月二十七日昧爽以前云云於戲天地垂休所以祚開泰皇王報本所以告成功盛禮行而人神協和慶澤流而寰海胥悅文武列位將相具寮同心同德以逢時盡節盡忠而宣力宜勤翊亮共致太平

九年

宋史開寶九年四月庚子祀

太祖將幸西京正

月十三日詔曰定鼎洛邑我之西都燔柴泰壇國之大事今江表底定方內大同祇遙景靈用伸報謝乃眷西顧郊兆在焉將飭駕以時巡躬展誠于陽位朕今幸西京以四月有事于南郊東都事略正月庚辰詔後月在二月而此書載正月十三日詔云今幸西京以四月有事南郊攷宋史禮志正月詔以四月幸西京而太祖本紀復作三月丙子及赴齋宮先時霖雨彌旬是日雲幸西京與此互異物晴霽觀者如堵垂白之民咸相謂曰我輩少屬亂離不圖今日復覩太平天子儀衛皆相對感泣赦文門下

我國家受命開基化民育物荷乾坤之垂佑致文軌之
 大同內則朝政雍熙外則武功振耀洎兩川克復五嶺
 蕩平被聲教于寰瀛納生靈于富壽惟有江表未息祆
 塵頃勞動于六師尋廓清于一境數千里氛妖既殄百
 餘年生聚知歸蘇其久困之民布以惟新之化非冲人
 之克乂皆上帝之儲休今者卜首夏之良辰就西都之
 正位備其燔燎靖乃豆籩躬伸告謝之誠用達恭虔之
 志奠玉之盛儀既舉普天之慶澤方行宜覃曠蕩之恩
 用表混同之化可大赦天下云云於戲牲牢報本所以

答天地之休雷雨行恩所以洽華夏之慶御鳳樓而風

雲助順

宋史開寶九年四月庚子
 祀圓丘迴御五鳳樓大赦

揭雞竿而士庶同

歡騰惟文武之具寮並効忠勤之亮節佐我隆平之運
 實多翊亮之勞方切注懷更宜宣力

太宗太平興國三年十一月南郊赦文門下王者負展
 居尊繼天垂統順三靈之睠命契萬國之懽心宵衣旰
 食以忘疲郵物愛民而為念自臨宸極再易炎涼朝政
 允釐嘉穀屢稔四海盡同于文軌九州重正于封疆顧
 菲薄以何功賴穹旻之降祐爰循舊典親祀上玄獻琛


而率土皆來執玉而諸侯畢會風雲助順羽衛增華慶
 皇祚之昌隆見禮容之繁盛而又王公庶尹中外具寮
 同傾愛戴之心奉我龐鴻之號億兆之願豈獨在予宜
 覃大賚之恩用洽可封之化可大赦天下自太平興國
 三年十一月十五日昧爽以前云云於戲郊天祀地生
 牢已薦于至誠布惠行恩雨露均霑于萬彙灑渥澤而
 瑕疵盡滌出縲囚而囹圄皆空凡諸有位之臣體我無
 私之意更資忠力共贊皇圖寰宇克定于丕平竹帛永
 光于千古

宋史是年南郊禮成上尊號曰
 應運統天聖明文武皇帝此失載

太平興國六年十一月十七日南郊赦文門下王者繼
 統居尊握圖臨極法二儀而行化親萬務以忘勞兢兢
 如涉于大川蕩蕩期臻于至化日慎一日于茲六年八
 紘之文軌大同四序之陰陽不忒兵鋒偃戢年穀順成
 蘇杭千里之士疆盡歸臨照汾晉一方之生聚頓愈瘡
 痍邊陲載息于煙塵宇宙俱凝于和氣顧惟涼德享是
 豐功蓋穹昊之降靈兼祖宗之垂祐爰伸大報特備嚴
 禋被袞冕以陟園壇薦牲牢而饗上帝而又中外列辟
 文武庶寮復以徽名加于眇質尊崇之號念何德以克

堪億兆之心顧抑情而從徇祇膺典禮良用兢慙宜覃
 作解之恩用洽普天之慶可大赦天下云云於戲玉帛
 薦誠已陳于盛禮雲雷覃慶咸被于殊休効忠長者悉
 與旌酬負瑕釁者皆從滌蕩百神受職萬國來同當景
 運之昌隆嘉禮容之繁盛風雲薦瑞土庶同歡更資有
 位之臣共質無私之化各宣忠力永輔皇家布告寰區
 咸令悉知宋史是年南郊禮成上尊號曰應運統
 天曆文英武大聖至明廣孝皇帝此失載
 赦文門下惟皇撫運樹鴻業于中區惟辟奉天表至誠
 于大報既謹就陽之禮宜覃及物之恩用慶昌期式符

前典朕自虔膺寶運嗣守瑤圖九載于茲一心無怠雖
 寰區既乂敢忘于盱食宵衣而風雨弗迷屢覩于年豐
 俗阜加以非煙甘露霽霏繼灑于人寰瑞獸珍禽馴擾
 咸歸于御苑四塞之干戈自息八方之文軌大同集是
 丕休匪由涼德斯蓋玄穹之所降鑒清廟之所儲祥朕
 所以躬事禋燔告謝天地千官景從陪玉輅以供宸諸
 侯駿奔仰玄壇而助祭矧乃文物大備聲名孔修當六
 變以升聞荷百神之昭格純嘏之錫豈獨在予思與萬
 邦同茲大慶仍改紀元之號遐均作解之恩可大赦天



下改太平興國九年為雍熙元年自雍熙元年十一月二十一日昧爽以前云云於戲景運方隆荷乾坤之眷祐彝倫式敘在刑政以交修更賴文武蓋臣方岳庶尹各伸乃力共泰吾民庶令擊壤之謠不獨唐堯之代可封之俗復追虞舜之朝凡爾含靈知予至意

四年正月二日

宋史禮志淳化三年將以冬至郊前

上辛合祭從之即此

南郊赦文門下我國家創業垂統

踰三十年禮讓與行車書混一外則五侯九伯立屏翰之奇功內則三事庶僚罄股肱之亮節共贊無私之化

成茲不拔之基加以紫壇屢饗于天宗青輅早修于農事既禮交而樂舉致遠肅而邇安內顧眇躬享茲介福是用就上辛之良日薦大報之至誠乾坤既錫于鴻休祖宗是崇于嚴配東都事略淳化四年南郊以宣祖太祖並配八蠻景附咸伸助祭之儀百辟靈從盡展陪鑾之禮觀士民之繁盛望羽衛之駢羅思與普天同茲大慶自淳化四年正月二日昧爽以前云云於戲郊天地以致誠明咸尊典故法陽春而施德澤盡滌瑕疵華夷遠播于懽聲宇宙徧凝于和氣更資有位益勵乃誠展安民濟物之謀助肝

食宵衣之化庶俾照臨之內俱躋富壽之期咨爾萬方

咸知朕意南郊畢御乾元門下制曰泰壇燔柴國之大

典上辛祈穀禮有舊章祇見上帝祈福天宗疑此句下

無別本可校姑仍其舊 癸巳上賦南郊宿齋五七言詩六首賜近

臣乙未雨雪作立春日瑞雪詩三首祕書監李至言自

廟徂郊纖颺不搖羽衛如植升壇而星象炳煥訖事而

雲氣鬱興應門肆赦非煙可挹案此句下疑亦有脫文

赦文宋史至道二年正月辛亥南郊此書失載年月

日攷下原註宋白為禮儀使及問呂端云云按是

年宋白為禮部侍郎進翰林承旨呂端同中書門下平

章事宋制禮儀使專命翰林學士為之白以翰林承旨

為禮儀使故知此門下我國家千齡啟運百世其昌惟

赦當在是年也 列聖之在天介鴻休于下土朕自祇膺眷命嗣守皇圖

垂二十餘年居億兆之上域中四大常師古聖之言天

下一家幸接隆平之運遠肅而蠻夷率服時和而風雨

弗迷盡禹別之九州來修厥貢懋堯咨之四嶽咸建庶

官刑政于是相宣聲明以之大備夫何涼德集是不休

皆由九廟之儲靈實荷二儀之降鑒得不討論方策博

探乎禮經祇奉郊丘興崇于祀事達孝思于清廟祈景

禳于上玄用薦精誠斯為大報百神効祉諸侯駿奔羅

羽衛于康莊煙霞動色設宮縣于兩觀金石成交千官
 扈蹕以雲從百姓歡呼而雷動禮終嚴祀喜成昭事之
 心候屬載陽廣布惟新之慶宜覃恩宥溥洽寰區可大
 赦天下云云於戲時當獻歲禮畢嚴禋祖宗之純嘏無
 疆天地之祥符有耀仰資玄貺敷佑蒼生更賴三事大
 臣六師上將炳人文而宣教化揚我武以定疆場逮夫
 庶邦冢君凡百執事咸有一德永孚于休俾我邦家紹
 統前代盡善盡美不其偉歟告示萬方明知朕意

禮儀使宋白奏曰伏詳儀注朝饗太廟皇帝先詣罍洗後奠瓚其祀天地望先詣罍洗後奠玉幣上以問呂端

言得禮之中遂從白議

二年十一月丙戌合祭天地于圜丘

案宋史真宗咸平二年十一月丙戌

南郊此書失載咸平年號今據詔中嗣業三年等語攷之宋史知在是年也

以太祖太宗配

還御乾元門下制曰天祚明德民懷有仁惟景運之泰
 階實昊穹之眷命太祖皇帝以武功定亂驅除八方四
 登泰壇親行大禮太宗皇帝以文德柔服混成一統五
 奠玉爵合祭二儀粵以冲人仰嗣丕業三年無改恭依
 典禮之文百穀用成亟獲豐年之瑞退朝之暇內省于
 懷未熟化源未成治定夫何涼德集是鴻休上由天地

之元符人神協贊復荷祖宗之餘慶輔弼宣功履春冰而常積戰兢涉大川而詎知涯涘非惕厲不能繼先業非精虔何以答上蒼必在乎假清廟而擁神休舉皇儀而陳備物于以示昭報于以伸孝思爰當亞歲之辰躬展事天之禮玉帛在筭金石在縣一陽生而寰海會同九奏成而神祇下降禮無違者天必從之宜覃作解之恩共治無疆之祐可大赦天下云云於戲國容全盛天仗旋班非煙散朱雀之街旭日麗蒼龍之闕歡聲雷動喜氣雲從肆士庶之榮觀賴皇家之大慶更賴文武多士將相蓋臣各竭忠規順成元化同心同德咸罄于嘉猷無怠無荒不忘乎明戒同底于道不其偉歟布告萬民咸知朕意

咸平五年十一月十一日南郊赦文門下禮莫大于事天孝莫重于嚴父因心崇陟配之義垂訓懋翼子之規自伯考建萬世之基聖父纘重熙之業莫不三年而郊上帝九廟以饗神宗用薦精誠以伸昭報顧予寡薄獲荷慶靈奉以周旋焉敢廢隆矧乃寰區底定黎庶幾于小康農畝豐登稼穡呈于上瑞皆玄穹之所降祐繫列

聖之所垂休得不飭備物以告虔升禋燎而報本蠲吉
之祀廣至福于兆民曠蕩之恩宜大賚于四海可大赦
天下云云於戲天下之至大萬物之至繁雖勵力以自
彊願恭己而自治更賴藩獄列辟股肱元臣暨禦侮之
羣才迨盈廷之多士咸盡忠而奉化各無隱于厥誠俾
予垂拱而仰成致俗一變而至道共臻多福永孚于休
景德二年十一月十三日南郊赦文門下朕自猥紹慶
基君臨寓縣奉若天道馴致時雍常念守位維艱纂圖
斯重納隍軫慮旰食視朝于今九年罔敢逸豫幸玄穹

之降鑒荷宗廟以垂休農祥荐臻邊候不警屬天正上
元之日陳吉土享帝之儀因得躬執豆邊祇見祖考牲
牢備物珪幣薦誠四海九州皆來助祭六變三獻斯用
降神仰景貺之自天慶蒼生之蒙福報本既行于盛禮
迴鑾乃御于應門萬國來庭集梯航而入貢九賓就列
觀書軌之混同宜大賚于中區洽鴻恩于庶品永言純
嘏豈獨在予爰稽肆眚之文式布維新之澤可大赦天
下云云於戲順天行慶俾渙汗以維均與物爲春浹幽
遐而廣被偃革已臻于開泰垂衣方示于穆清更賴文

武具僚中外列辟體君臣之同德罄金石之純誠資政

教于和平納生民于福壽共扶昌運永享于休景德二年郊

赦以後大中祥符七年二月壬申以謁聖祖于鴻慶宮

恭謝南郊大赦又天禧元年正月辛亥以上聖祖尊號

于景靈宮南郊大赦今此書二次

赦詔俱缺無別本可攷姑仍其舊

天禧三年十一月十九日南郊赦文門下朕以仰欽皇

緒夙奉慶基自列聖之詒謀逮眇躬之繼統兵戈銷偃

海域混同何嘗不日慎居懷時乘在御絕畋游而育物

戒服玩以敦風納民歸仁壽之區涉道究希夷之際撫

安四極賓延萬靈表下風以丁辰致彌文而熙載講求

典禮肅恭神人燕處穆清聿懷冲粹荷太清之孚佑示

秘籙以降祥靈運嘉亨景輿臨暨載聆諄誨迷悟仙源

勵翼彌堅欽修備至攷古先之盛則畢封禪之洪徽崇

尚真宗登隆妙號言念元良之嗣生知至德之方善訪

名山特開珍館祝壽昌之介祉見忠孝之存誠疊委寶

文愈昭殊應是用答顧懷于穹厚成禮享于壇壝薦玉

幣以告虔陳豆籩而蠲潔金匏協奏文物駢羅九賓相

儀百神受職天旂總集既彰祚國之休王澤涵濡宜洽

均禧之慶可大赦天下云云於戲展嚴恭之禮獲擁神

休覃滂濡之恩式符衆望諒周隆于慶賜增激勵于神明更賴中外信臣文武列辟竭以忠勤之節傾其愛戴之心協贊重熙永膺多福

天聖二年十一月十三日南郊赦文門下三載一郊國朝茂典蓋所以報貺天地致虔祖宗盡欽翼之心膺錫禪之福吳穹眷命三聖重光化無遠而不懷惠無幽而不浹肆予寡昧纂是隆平端展永思臨淵匪懼幸賴母儀申誨先烈在民三事羣卿禪我以公道百工庶尹贊我以遠圖政常敦本閑邪刑必蠲苛懲善邊陲撤候方

聘修歡東南之敵屢登陰陽之沴不作是用采甘泉之曩制方委粟之前經度土就陽占辰亞歲豫祠真館虔饗太宮乃陟嘉壇肅陳量幣羣司戒潔工器協恭瞻來格于窈冥納降衷于高厚天清日潤禮備樂崇克伸孚佑之文實荷龐鴻之賜宜均渙號溥及含生可大赦天下於戲積累之業存乎時涵濡之澤加乎遠邦家所著憲度甚明予惟遵行罔敢失墜班朝文武有位忠賢庶益蓋規以弼涼德勿休屢省稱朕意焉禮成輔臣皆進官宰相王欽若等固辭上謂曰郊祀慶成朕爲卿等進

官懇辭何也欽若等對曰臣等待罪近司獲陪盛禮幸

甚復遷官秩益為忝冒上懇諭久之欽若等再拜稱謝

而退宋史是年南郊禮成上尊號日

是月甲辰宋史仁宗天聖五年十一月癸丑南郊此書失載年月今以宋史及所載事跡攷之當

在是年也百官集尚書省受薦饗景靈宮誓乙巳受朝饗太

廟誓丙午受合祭天地誓丁未上謂輔臣曰此三日百

官受誓禮當然耶王曾等對曰宗廟告饗皆沿郊祀之

事止當一日受誓今蓋循先朝舊制請俟他日釐正之

庚戌宿齋于天安殿百官宿齋于朝堂辛亥薦饗于景

靈宮宿齋于太廟大禮使王曾言宋史禮志是年郊後擇日恭謝大禮使

王曾請節廟樂云云今據此則在郊前皇帝執圭被袞

酌獻七室而每室奏樂章恐陟降為勞請節宮架之奏

上曰三年一饗朕不敢憚勞也卿勿復言原其後每親祀至版位

必遣丙侍密諭樂卿令備其音節又以戒樂工云王子朝饗七室宿齋于南郊

癸丑冬至合祭天地于園丘三獻終增禮生七人各引

本室太祝升殿徹豆畢赦文門下朕以紹膺端命祗服

睿圖六載于茲萬幾在念守大中之曩訓遵聖善之懿

猷被四表以宅心浹羣倫而從乂有所必應惟動斯和

歲事省成河流順復宋史是年七月塞滑州決河故曰河流順復此皆鴻靈

敷佑列聖顧懷乃底輯寧愈增惕勵奉先之道固竭于

精衷報本之儀聿循于舊典既卜郊而叶吉粵定位之

載巖沿襲有初講求惟允格太宮而裸獻率迪肅雍類

上帝以燎熏並昭妥侑罄齋莊而備至荷盼蠻以居歆

矧乃真系垂謨夙展欽崇之禮玉虛攸館將申哀對之

文回寶睭以博臨介純禱而舉集顯無疆之大慶豈獨

在予需作解之洪恩式均有衆可大赦天下於戲天人

交感繫默定之有孚中外胥歡諒寵綏而宣洽尙賴既

睦之宗戚同體之忠良暨諸邇臣逮夫庶士協一德以

修輔廣四聰而必聞慎固基扃振明紀律無隱厥志用

恢永圖主者施行宣制畢百官稱賀上恭謝太后于會

慶殿宋史禮志是年郊後三日齋長春殿謝玉清昭

應宮禮畢恭謝皇太后與此郊後即日恭謝皇太

后後三日齋長春殿又一日謝玉清內常侍贊引皇帝

皇帝自殿後幄詣皇太后前再拜跪奏曰臣禎虔遵舊

典郊祀禮成中外協心以歡以抃皇太后宣答曰宋史禮

志是年皇太后宣答曰皇帝德備孝恭禮成郊祀之社

嚴配萬國稱頌權祿增深云云與此互異與皇帝同之皇帝還內百官賀皇太后垂簾賜酒三行

丙辰宿齋于長春殿百官宿齋于朝堂丁巳恭謝于玉

清昭應宮

宋史天聖五年郊赦以後天聖八年十一月戊辰合祀天地于園丘大赦此書失載此

次赦詔無別本可攷姑仍其舊

是月壬辰

宋史仁宗景祐二年十一月乙未冬至南郊大赦此書失載年月今以乙未冬至及三

宗並配攷之宋史知在是年也上宿齋于大慶殿百官宿齋于朝堂癸

巳薦享景靈宮宿齋于太廟甲午饗七室又饗奉慈廟

宿齋于南郊乙未冬至合祭天地于園丘以太祖太宗

真宗並配

東都事略景祐二年詔以太祖為定配赦二宗為迭配皇帝親祀請以三聖並侑

文門下朕膺天地之丕貺紹祖宗之慶基政典咸融兆

民祇若休祥狎應大田屢兆于豐年髦俊並生多士協

寧于景運熙平在且燕翼有光諸侯盡賓納黎元于富

庶三公論道升遺逸于簪紳豈惟冲人克致茂實必修

報本之義以答上靈之心盛服展儀至日惟吉欽從謨

訓率致精明清廟肅雍既備陳于圭瓚闕宮靜血復親

薦于豆籩被袞就陽燔柴定位嚴配並饗昭格于至誠

陟降交歡誕膺于純嘏念紹庭之垂裕顧受福之永昌

思與萬邦同茲大澤禮交樂舉既明嚴上之規雷動風

行宜覃渙汗之號可大赦天下於戲大事在祀聿從哀

對之文與物為春用穆好生之化更賴良弼賢戚維藩
 文武蓋臣中外庶尹體恭肅以修輔本中和而在寬俾
 敦孝友之倫咸躋仁壽之域翼宣王度永播時雍主者
 施行太常禮院言南郊第一龕饗五方帝大明夜明神
 州地祇北極天皇大帝比歲上差司天監保章正攝事
 且五帝尊神而獻官秩卑饗接非稱今詣第一龕以少
 卿監或正郎為獻官第二第三龕以員外郎壇下及內
 壇之外以京官或保章正分獻從之

宋史禮志景祐二年詔神州皇地

祇舊常參官攝事非所以尊神自今命兩省歲九大祀宰臣攝事者參知政事尚書丞郎學士奉祠與此稍異

大禮使言宗室詣中書受誓戒不至者六十餘員詔停
 郊廟幄位太常禮院言皇帝行郊廟之禮故事止設更
 衣幄殿而未有小次是以薦獻之際皇帝立版位以至
 于禮成未有所以裕主尊究恭肅也謹按周官朝日祀
 五帝則張大次朝覲會同亦如之鄭康成謂大次所往
 所止居也小次既按祭退俟之處也引祭義周人祭日
 以朝及闇雖有疆力孰能支之是以退俟與諸臣代有
 事焉故說者以為祀昊天上帝亦張大次小次古者大
 次在壇壇之外猶今更衣幄殿也小次在壇之側今所

未行按魏武帝祠廟令降神禮訖下陛就蓐而立須奏樂畢似若不愆列祖遲祭不速訖也故吾坐俟樂闋送神乃起爾然則武帝坐俟容須引設近次與周官義符今參驗前代謂宜設小次于皇帝版位少東每獻畢降壇若殿就小次俟終獻徹豆則復就版位至禮畢如此則奉神之意在久益虔執禮之容有恭無闕從之禮畢羣臣上尊號曰景祐體天法道欽文聰武聖神孝德皇帝三年七月己卯孫奭子瑜上崇祀錄二十卷詔送史

館

奭領太常倣唐王涇郊祀錄紀國朝典禮未奏而卒

赦文

宋史神宗寶元元年十一月庚辰南郊大赦此書失載年月日今攷之宋史知在是年也

門

下升禋陟配誠孝所以兼申擁休肆菁神靈于是交豫朕奉承丕歷欽率先謨永惟置器之重浩若涉川之廣託在尊極弗敢遑寧幸席成規寢尋至治而疆陲賓款歲物順繁民罔時恫政克用乂斯皆昊穹開佑之貺宗祏燕詒之謀幽贊于茲朕將何力內循涼寡期保顧存是用圖講舊章毖修大報祓飾壇兆豐潔粢盛虔會迎長之辰躬陳合祭之典至于前獻道祖歷禱廟昭真宗自以後凡南郊前必先饗景靈宮及太廟奉慈廟寶元元年十一月戊申享景靈宮己酉享太廟及奉慈廟故曰

前獻道祖歷祿廟昭蓋經禮必先之文庶哲王能饗之義措事之日備物有嚴百執駿奔二聖參侑獲率強力以底盛容居歆在上降鑿如答迪拜胙之吉敢曰余勤沛崇朝之澤方思衆共再念嚮徇羣議許加徽稱深揆浮實之華如乖克己之訓宜因冠號俾易建元顧無專享之福更示惟新之命可大赦天下於戲逮下之慶方與物而皆昌屢省之思冀後天而攸奉尙賴三事庶尹列辟衆司交輸乃誠躋格鴻化茂對乾施永孚于休禮畢宰臣張士遜等五人上表加上尊號寶元體天法道欽文烈武

聖神英睿孝德皇帝

宋史是年南郊禮成上尊號曰寶元體天法道欽文聰武聖神孝

德皇帝不載去英睿二字此書聰武作烈武當以此爲正可證宋史之闕訛

上屢卻之謂士

遜曰唐穆宗云強我懿號不若使我爲有道之君加我虛尊不若居我于無過之地朕常愛斯言卿等亦宜體此意士遜等懇請不回上不得已至二十九日下詔惟不稱英睿二字餘允其請右司諫韓琦以京城內逼郊祀數月盜賊公行輦轂之下宜有禁暴之法請南郊前一月降敕開封府約束強盜罪至徒并折傷人以上如犯在赦後母得以赦原其竊盜贓重者奏聽裁從之

康定二年有獻議者以西事未寧欲權罷郊天上以爲
不可至十一月二十日南郊畢肆赦門下朕誕膺寶命
嗣守鴻基荷上靈降監之祥奉列聖紹庭之憲撫寧興
運司牧黎元慎保盈成之難思隆久大之業祇勤抑畏
垂二十年何嘗不中昃勵精幽微博聽慮一夫之不獲
期百志之惟熙務湯盤之日新致禹疇之時若至于秉
慈儉之訓絕游畋之娛器物屏雕文之功刑政革煩苛
之弊雖未臻于淳古庶無怠于始初幸以諸夏謐清百
嘉彙茂民涵豐楙之樂物違疵癘之傷玉燭四時蕭勺

羣祀斯皆三神之所孚佑九廟之所撫綏豈繫眇眇之
躬克召穰穰之福是用順攷聲名之典寢尋禋燎之儀
祓飾壇壝祇薦瑄幣揆天元景至之序定國陽郊見之
儀皇穹后祇勛降瞻饗之厚藝祖文考毖陳升侑之嚴
本陶秭以致其誠合羶薌以達其氣望秩羣祀懷柔百
神異精意之獲伸奚備物之能稱若乃首趨真館前謁
太宮肅修禋獻之常罄茲僊煥之慕所以因昭事之大
述追孝之恭交集盛容克成美報禮由衆舉慶靡專承
當天地並貺之仁聿均大嘏法雷雨作解之施用需醲

恩仍建號以紀元美受釐而布度可大赦天下宜改康
定二年爲慶歷元年於戲謹漢時之親祠茲爲大事體
虞書之肆眚所重好生許清多辟之流咸沐維新之澤
尙賴臣鄰同德官尹修方協進忠規允釐庶績丕格至
平之治共酬純錫之私初設有小次壇下又設褥爲黃
道屬之神位至是上不御小次徹黃道改拜褥用緋以
盡恭肅之志

慶歷四年南郊御札敕内外文武百僚等朕荷祖宗之
謀託黎元之上日慎夕惕罔敢怠違故嘗六款圜丘祇
見上帝今賴天之福浹宇以和雖右鄙留屯南方薄稔
已加撫綏期底靖安匪云交修思有昭報聖則能饗誠
慙于寡德祭不欲數旣及于三年通奉先規講求多物
愾聞列聖之裕哀對明靈之臻况祈祉下民弗爲專美
在國大事其敢憚行朕以今年十一月二十五日有事
于南郊咨爾攸司各揚乃職凡于供億毋俾煩勞應諸
道州府不得以進奉爲名別行科率比者多緣嚴配加
上徽名止循率顛之常徒爲薦誠之累且應神以實何
用虛文與禮之奢不如寧儉其文武百官僧道父老等

不得因郊祀上表請加尊號永言有衆宜喻先庚共獎
 至虔以副朕意故茲札示想宜知悉郊祀赦文門下朕
 聞爲國莫重于祭報本莫尊于天禮不欲至于煩類當
 三歲物無以稱其德是竭至誠比者原田有秋辰緯澄
 晷地數見寶蝗弗爲災關輔簡餉與之調羌夏露懷徠
 之請問遣近輔分慰三垂東都事略慶歷四年夏元
 昊稱臣命范仲淹宣撫陝西
 河東富弼宣撫河北就恤邊吏之勤無重編氓之困亦克用义方
 致小康朕用欽荷顧存謹修禋類抑止貢奉之費裁節
 供帳之勞前敕攸司毋加微稱雖微有善之讓姑底事

神之恭且復稽參典文改告茲諡


東都事略是年十一月改諡真宗五后

尊諡從眞聖之尊統貫乾德之舊章既款殊庭遂見清廟
 叶長日之嘉會祇靈壇而順享皇穹后地之合藝祖神
 宗之配六變而樂備三獻而禮成揚蒿煙于太霄達燿
 火于羣祀兩儀洪洞萬瑞紛綸斯固足以表上帝之眷
 懷罄冲人之明察又念乃文乃武有王有林或奉引掃
 除或侍祠顯祖八屯擁衛之格九州獻力之常其贊眇
 躬克成絃祀美不專饗命則惟新用推多福之祥肆爲
 兆民之慶可大赦天下於戲明德惟馨已回蓋高之鑿

與衆更始誠慕列辟之良矧曰如台敢云自暇益當居
降祥之地而懼其咎席已安之勢而念其危弗徇非彝
弗爲無益建中道以臨總渙大號而胥歡嘉與羣元共
臻斯路

慶歷七年十一月二十八日南郊赦文門下朕嘗博覽
載籍詳觀古今每資取于典彝用昭施于政教且夫大
事在祀所期奉而益恭讓德于天必欲善不自處斯皆
垂芳簡策作範邦家歷世相因百王不易在沿革而雖
異諒稽參而靡渝故假廟致虔掃地尙質實奉先而嚴

配取報本以貴誠粵自纘承逾茲二紀遵述詒謀之訓
企及欽明之風慎持守于盈成念懷柔于遠邇萬幾之
務罔怠于旰宵含生之倫冀登于富壽尙兢虞于謹戒
彌鑒省于昏荒治格隆平物無疵癘制作禮樂敢謂其
時協和人神當成厥事是用虔修步祀參講縟儀抑菲
德之徽稱增先皇之顯諡東都事略是年
加上真宗尊諡 祇見觀德
之室嚴禋定位之方園壇載陞長日協吉順致舊典傾
竭精衷九州獻力以惟寅百神受職而咸秩紛綸之貺
仰降于高穹曠蕩之恩宜覃于率土可大赦天下云云



於戲惟聖饗帝益罄于齋莊惟德動天敢忘于惕勵尙
冀祖宗垂祐輔弼協謀繫維城親懿之賢暨衛社忠勞
之士百工庶尹咸一乃心共贊昌期永臻皇極

十一月四日南郊赦文宋史仁宗皇祐五年十一月南郊大赦此書失載年號今以

下太常禮院議三聖並侑門下燔柴報本崇經禮之親

郊渙號宣恩廣春秋之大眚朕肅膺統業寅奉政機未
昭厥塗猶涉淵水荷乾祇之敷佑賴宗社之擁全治克
用平思無不服茂息生齒屢登康年蓋先烈之累仁省
眇躬之何德比舉秩于元祀用答揚于靈休三紀于茲

涓衷敢忘自合宮之訖饗卽陽位以薦誠申命道司
稽舊典卜日南之長晷祠地上之園丘前詔諸儒攷正
雅樂蓋以遵達孝之述事昭盛德之流光適觀厥成升
奏羣祀庶德音之致相接于天人沿豫象之辭登配于
祖考率前期而戒誓復先甲以潔齊欽翼祖宮欵見于
道祖肅僎在廟永懷于前人懼饗弗能臨裸惟惕紫營
未旦赤霄在望執事有恪備物無違蒙上帝以居歆奉
列聖之參侑蒼璧既奠朱燎以升惠我無疆肅然有感
欽惟天表之應誕錫壽康嘉與宇內之人均承貺施可

大赦天下於戲合祫大祀固靡神之不宗在宥羣方思與物而更始尙賴左右承弼中外臣工秉德輔予竭忠圖治惟休惟恤永底康哉太常禮院言奉詔再詳定三聖並侑事伏以配侑之法前代不同古則一王而後或兼配皆是變禮彌文廣申誠愛也國朝景祐二年曾下詔書令次郊禋三聖並侑其後以太祖定配二宗迭配明堂大禮亦三后並侑今陛下濬發德音欽明大孝況是本朝舊制已再躬行于義無爽故下詔曰王者因郊反始無大于躬親本孝奉先莫尊于主侑且明堂之配

已著于定儀而景祐之文蓋存于甲令雖協事親之愛猶慎緣情之舉再諏羣議述攷舊典皆以謂祖宗功德宜對越于上靈文昭武烈亦無巖于祀位息民昭德定保永圖自今南郊三聖並侑布告內外宜體至懷

三年罷南郊九月十二日恭謝

宋史仁宗至和三年改元嘉祐九月辛卯恭

謝天地于大慶殿此書失載年號以宋史攷之知在是年也

敕內外文武臣僚執珪

璧以事神嚴祖宗而配帝雖有國之常典亦因時而制宜朕承三聖之丕基撫萬邦之有衆儉于己愚天下之民豐勞于心致天下之民佚罔敢怠忽庶幾治平而首

春以來偶爽調適賴三靈敷祐百福來臻順以節宣獲
 茲康裕加以邊隅不聳風雨以時雖庶物之咸和顧眇
 躬而增惕是用稽先朝之成憲詢故實于有司即廣殿
 之翼嚴擇靈辰之良吉式申昭謝以格純休宜用先期
 俾茲誕告朕取今年九月內于大慶殿行恭謝之禮其
 今年冬至親祀南郊即宜權罷所有合行諸般恩賞並
 特就恭謝禮畢一依南郊例施行至日朕親御宣德門
 宣制仍令所司詳定儀注以聞務遵典禮勿俾煩勞咨
 爾多方咸體予意故茲札示想宜知悉至九月十二日

恭謝畢降赦門下朕纘繩基緒統御幅員周視萬幾僅
 成三紀思守文之尤重念居上之至難或未明而衣或
 既盱迺食惟正人是訪惟公論是稽恬然過勤舉不知
 困比春云始平履成虧荷高明之博臨膺厚順之丕擁
 宗社降福士民輸忠眇眇之躬遄臻于綏又便便之政
 率遂于講修雖屬水潦邁災河流移道宋史是年四
湖眷言方國咸克安安邦經所繫朕力何有亶茲循省
 彌用戰兢秋廩戒期農收畢務誕詢故事參繹前文約
 郊壇之儀嚴路廷之制工師虔鞏物品晏清祇罄誠忱

潔清款見上以答乾元之開佑下以斬生聚之樂康寢
 通明靈大示胙饗宜與兆庶共均休嘉式覃渙汗之恩
 仍易紀年之號以孚神貺以順物宜可大赦天下云云
 初仁宗得疾議者以太宗至道年升遐乃深惡其年號
 趣詔中書改之是歲以郊為恭謝天地改元曰嘉祐四
 年十月詔罷冬至祀南郊十三日祫享

宋朝事實卷四

宋朝事實卷五

宋

李

攸

撰

郊赦二

英宗治平二年南郊御札內外文武臣僚等天地者生
 之本先祖者類之始故禮有報本反始而祀天地尊先
 祖于是乎致虔恭焉國朝之制郊以三歲而自皇祐癸
 巳一紀于今變輿之行不踵乎經涂皇邸之設不嚴乎
 大次交神之道豈不缺然也哉朕以冲眇之資荷顧託
 之重巍乎王公士民之上凜乎宗廟社稷之寄日慎一

日惟恐弗任而三靈眷懷億姓禔福天清日潤雷動風行嘉生沍臻氛禳蕩定固可以薦四時之和氣總萬國之歡心以報本乎天地而反始乎先祖也朕以今年十一月十六日有事于南郊咨爾攸司務勤厥職諸道州府不得以進奉爲名輒行科率必循其故毋或煩民故茲札示想宜知悉赦文門下朕承祖宗之休託王公之上纘嗣丕業誕隆慶基我仁考體道誠明率仁高厚躬履純儉天俾壽臧熙然億兆之懷隆于父母之愛禮樂明備制作成于百年書軌大同歡心達于四表憲度著

明而可則軌迹夷易而可遵肆朕冲人適當大寶祇荷先訓仰繫母慈永念繼體之艱居有涉冰之懼日慎一日三歲于茲曷嘗不究皇極之建中順乾剛之正命登籲賢俊監循典刑未明以求衣中屛不暇食宮室苑囿之好或弛以便民鐘鼓管弦之音固不以足欲前日文武多士中外羣臣連上封章求薦稱號朕以繼志述事未有以揚緝熙持盈守成未有以彰休烈下之方以底百室之富上之方以接神人之歡義所未安抑而不受豈自以得勤民之意蓋將以洪修己之誠深惟就國陽

郊肇禋吉土振古盛節本朝上儀儲精迓釐欲止不敢
惟孝能饗庶幾與焉是以因黃宮之氣升迨南極之景
至躬執圭幣潔修粢盛裸薦清廟之廷燔燎泰壇之奠
侑以烈祖對越上穹于時祥景晏溫大圓精粹和氣充
塞積暘肅清茲皆諸神受福于懷柔有昊眷顧而饗答
發祥降祉豈獨朕躬之敢專洗心自新嘉與海內之均
慶可大赦天下云云於戲崇大報之禮有以達于誠心
覃渙汗之恩是用孚于至信期爾阜安之俗既臻恥格
之風尙賴忠藎揚庭明謨在服共勵勅天之志永底無

疆之休主者施行是年當郊上意未欲躬行謂韓琦曰
初服滿恐未當出琦曰大禮不可曠兼陛下卽位未嘗
郊見天地力請行之故事郊廟讀祝冊官至御名必起
上至郊宮更衣詣壇下百官皆回班迎向英宗皇帝初
告廟詔讀冊官毋起及詣壇下又詔百官勿回班迎向
以見事郊廟之精意也

四年英宗手詔放治平二年南郊赦前編管人罷陝西
衙前配買修河木植而罷江淮近歲衙前復乞置材鄉
酒場強率人沽酒者時上不豫猶勅輔臣卽時施行之

英宗郊祀習儀尙書省賜百官酒食郎官王易知醉飽嘔吐御史前劾失儀已肆赦韓琦以聞帝曰已放罪琦奏故事失儀不以赦原帝曰失儀薄罰也然使士大夫以酒食得過難施面目矣卒赦之帝愛惜臣子欲曲全

其名節類如此

東都事略及宋史俱不載是詔此可以補其闕

赦文

此為神宗熙寧元年十一月丁亥南郊大赦詔也此書失載年月日永樂大典舊與上英宗事連寫誤合為一今以宋史攷之英宗治平四年正月崩神宗即位踰年改元熙寧詔中有述遵無改再葺于此等語故知當在是年也

門下王者祇適聖緒所以永無疆之休對越顛穹所以凝溥將之命朕惟列聖垂統盛德在天積累

熙洽付畀冲眇夫以制作大定之丕矩在宥恥格之休風夷易所存燕翼維允肆朕述遵而無改恭默以仰成再葺于茲百度咸若是以羣生蒙福方內大寧稽人有秋而屢豐遠夷稽服而慕義兵革靡試疵癘莫興蓋昭天之功自上仁而已厚故佑天之澤迨下武而方深乃眷太和實荷隆慶內惟寡德懼不克任粵稽拜賦之文茲有就陽之祀報本反始事孰重焉夫恭之所隆不可以恩揜禮之所闕尙貴乎義起矧乃真聖舊章著為成訓搢紳頤論折衷前經斷自朕心博觀輿議是用因一

陽長極之敘舉三歲親見之儀朝薦殊庭賓裸清廟而後升禋燎于泰時合陰祀于柔祇昭假上靈配侑列祖六樂備儻萬玉旅庭侯衛駿奔蠻夷聳觀至誠胥感方交神而塞明祥祉來臻且日升而川至顧予菲質敢以尊享思與黎庶同底日新可大赦天下云云於戲接三神之歡惟禮可以致孝饗均兆民之慶惟刑可以示哀矜茲朕一心期底于道尚賴股肱碩輔陪側蓋臣共勵協恭之誠以格可封之俗

十一月二十五日南郊赦文

案東都事略熙寧七年冬十月己未合祭天地于圓

丘大赦宋史作十一月己未攷是年十月無己未此門作十一月二十五日與宋史合可證東都事略之誤

下王者欽崇神天嚴奉宗祏就郊以享所以詔天下之

恭假廟而烝所以教天下之孝洪惟五聖之烈案此書

寧以年但詔中有洪惟五聖之烈一語其為神宗無疑神宗凡四郊其前後赦文俱可攷見故知此為熙寧七年詔也誕輯百王之文肆予冲人昭事上帝載念物無以

稱維一誠可以展大報之儀祭不欲煩維三歲可以述躬行之典協會康年之順道迎至日之長是用朝薦殊庭裸將太室乃進登于陽時以哀對于皇穹合祛柔祇陟配文祖祝燧告潔贊犧尚純大樂變音舞奏而諸物

至二精揚燎煙升而萬靈交方丕事之獲成故蕃禱之
專享宜敷大號以資多邦可大赦天下云云於戲意盡
精禋既秩宗祈之舉政施惠衍亶昭慶宥之行維時黎
元綏我德澤尙賴謨明四近忠藎羣材儀圖新美之功
勩相隆平之運同底于治永孚厥休

熙寧十年十一月二十七日南郊赦文門下國莫重于
祭所以作民恭之先禮無大于郊所以報物生之始朕
懋建不命寵綏庶方夙寤晨興任大守重惟文武之謨
烈心罔敢弗承惟上下之神祇志罔敢弗肅聿修三歲

之祀稽用一陽之正嚴大路以備儀款殊庭而先享於
穆清廟怵惕以見祖宗爰熙紫壇明察而事天地推本
陟配升煙合禋裒萬靈而誠交變六樂而物至顧迄成
于鉅典敢專享于蕃釐渙揚予恩敷錫爾衆可大赦天
下云云於戲答三才之奧無以稱德產之微均萬國之
歡有以知惠澤之至尙賴左右屬翼內外交修永孚厥
休同底于道

元豐六年十一月五日南郊赦文門下天者物生之始
非肇禋無以極其誠親者民恭之先非假廟無以致其

孝永惟五聖之烈必躬三歲之祀顧循冲人嗣膺歷服
 敢不祇率以時飭修然而禮意寢而不明樂文雜而未
 正故刺六經之說攷諸儒之言緝熙曠儀是正鉅典奉
 疊以款真宇裸鬯以享宗祊齋戒乎端誠之宮清肅乎
 禮神之囿陟配烈祖對越穹昊于時維太常之旂備金
 玉之駕迺楮大圭以為國之綴迺服大裘以放古之文
 欽柴之燎四施燭煬泰一園鍾之樂六變曠繹崇丘孝
 奏而日月光靈游而風馬下顧獲成于熙事敢專享于
 蕃禧宜大澤之肆均與羣生而共慶可大赦天下於戲

答三靈之介祉既秩于宗祈格四海之歡心在敷于惠
 術尚賴秉文之輔經武之臣相協厥恭同底于治布告
 遠邇使咸聞知其年遂罷合祭天地案元豐四年四月
 詔自今親祀北郊
 竝依南郊之儀六年太常禮院上親祀儀竝如南郊十
 一月甲辰冬至祀昊天上帝以太祖配遂罷合祭其北
 郊當時
 未行也
 十一月十四日南郊蘇轍郊祀慶成詩注云有司
 欲羔裘度用百羔上以其害物以
 黑繒代之
 也哲宗元祐七年十一月南郊大赦此書
 失載年號以詔中復舉熙寧故實核之宋史知在是年
 赦文門下朕承六聖鴻烈之休御千載丕平之運述
 觀歷代之治無右本朝之隆充塞乎協氣之流洋溢乎

頌聲之作然而重熙累洽所以應之者惟艱持盈守成所以保之者靡易顧茲冲昧紹乃基圖永惟幾深罔敢逸豫仰賴文母維持我家保佑八年之間申錫九疇之敘賓禮故老子惠困窮上順帝心下從人欲廣祖宗之遺澤蒙天地之降康欽言肇郊躬行大禮念嘗再饗乎穹昊未始祇事乎皇祇是用推本建隆之舊章復舉熙寧之故實自元豐六年罷合祭天地雖定親祀北郊之儀未之舉行至是呂大防蘇轍等謂合祭天地為是宜依照熙寧十年故事設皇地祇位遂復合祭執鬯以裸八室奠玉以合兩儀嚴烈祖以配天洽百神而承宇于時禮行而誠意

格樂變而祥光浮誕受三神之釐敢專四海之福宜均博施溥宥羣倫可大赦天下於戲乾坤之元始生仰俯之觀象法以為羣臣之道以成覆載之功咨爾內外之庶工咸罄文武之致用惟新厥德永孚于休蘇轍詩注又云上至太廟門降幣郊壇止百官回班去黃道禱皆祖宗故事去繳持出上意十一月二十日南郊赦文東都事畧哲宗元符元年十一月甲子祀昊天上帝于南郊丘大赦此書失載年號以分祀南郊月日及赦文致之當在是年也門下朕保極以宅師奉先而繼統駿惠先烈慎懷永圖躬攬萬幾于茲五載顧德不敏賴天博臨四夷咸賓萬邦作父師于獻捷

東都事略是年五月破夏人于大沙堆農扈告豐錫之珍符東都事略是年三月成

陽民段義授以神策嘉瑞紹至禋氛亟消豈眇末之克獻玉璽

堪實穹旻之眷祐興言大報莫重禋郊是用遵昭考之

詒謀舉隆周之墜典稽協彝制發揮禋容未奉皇祇之

祀先嚴蒼昊之饗哲宗紹聖元年以張商英言合祭非古三年詔罷合祭議分祀南北郊

至元符元年十一月甲子祀圜丘遂罷合祭然北郊親祀終帝之世未克舉云乘一陽之復習

三歲之祥卽路寢以齋居至殊庭而朝獻廣牡肆祀初

假廟以詔虔欽柴宗祈遂升壇而謁款配侑烈祖對越

明神樂成繹純禮敬敷備于時乾端澄霽冬序晏溫靈

心嘉虔精意昭格師象山則孝奏天儀申命之休既昭

受于上帝斂時之福其敷錫厥庶民揚于端闈孚我大

號可大赦天下於戲告成大事敢專享于蕃釐申宥青

災宜溥覃于躋澤尙賴輔弼寅亮官師協恭共維太平

之基永底無疆之祚

建中靖國元年十一月二十三日南郊赦文門下朕紹

膺寶命祇遵洪圖躬勤儉以御邦本寬仁而敷政維先

訓是式維師虞是從永言繼序之艱克謹持盈之戒荷

皇天之降佑蒙列聖之詒謀方夏乂寧蠻夷賓服三時

不害六府孔修建皇極而王道明即康功而民志愜以
 迪純熙之運以彰平富之風豈朕德之能勝繫帝臨之
 下屬肇稱禋祀祇答閔休是用參酌止儀鋪昭曠典奉
 神考恭行之志繹紹聖申講之文將歲事于皇祇先致
 饗乎穹昊迺候景涓日飭躬詔虔禱清廟以肅將款圓
 壇而拜享侑我烈祖秩于百神禮嚴欽翼之容樂備籥
 和之奏蒼璧既奠紫煙具升于時乾象潔清靈心嘉饗
 和氣洋溢景光陸離瑞慶大來俾緝熙于純嘏膏潤并
 受用敷錫厥庶民豫建新元誕揚渙號可大赦天下於

戲潔誠拜貺永祈申命之休肆宥均釐時乃配天而澤
 尙賴成德之彥正事之臣率黎獻以協衷欽庶明而懋
 績贊我溥將之緒迄茲件奐之游以明年正月一日改
 元爲崇寧元年

十一月二十六日南郊赦文

東都事略徽宗崇寧三年十一月丙申祀昊天上帝于圜丘此書失載年號以月

帝于圜丘此書失載年號以月門下裸獻清廟所以承

日及赦文攷之知當在是年也
 祖宗之靈禋祀紫壇所以答乾坤之貺朕駿膺寶命龍
 受寵禧不宣文武之光盡緝熙豐之典取士于學稽古
 建官亮采百工庶幾三代凡厥成王之式率由昭考之

行而九廟垂休

東都事略是年八月建九廟詔已祧翼祖宣祖廟址復

生民底乂年穀屢豐修德錫符上燦璣衡之政鑄金象

物下隆鼎鼐之基

東都事略是年六月籍元祐黨疵人司馬光等刻石于文德殿之東

癘革消雨暘咸若茲豈眇躬之能假時惟上帝之弗違

是用奠玉陽丘莅牲泰時嚴配烈祖對越皇天于時圭

景晏温璇穹澄鑑二端立而禮無不洽六樂變而物罔

不興靈心載嘉精意咸享受茲介福豈予一人之敢私

錫厥庶民思汝萬邦而共慶我有渙號揚于端闈於戲

作善降之百祥既茂膺于純嘏惟天佑于一德可共翼

于不平尚賴三事股肱百辟文武咸勵同寅之業永底

無疆之休

東都事略徽宗大觀四年十一月丁卯祀昊天上帝于園丘大赦天下此下當別有赦

文今無從攷補

政和三年十一月六日南郊赦文門下朕承列聖之不

基奉至尊之休德繼志述事持盈守成躬攬萬幾茲踰

一紀荷皇天之垂祐浹函夏以底寧年穀屢豐雨暘式

敘羌夷請吏川岳效珍禹功無濫溢之災堯瑞告平成

之治永惟多祐誕集冲人屬三歲之親祠刺六經而定

制率時昭考欽修時祀之專若昔大猷盡正相沿之陋

迺齋居于路寢迺朝獻于殊庭得四表之歡心饜餒于
 廟乘一陽之至景大報于郊對越昊穹佑我烈祖陶匏
 象性犧牲貴誠奠蒼璧以禮神秉立圭而拜貺器協商
 周之制樂兼韶濩之純宋史是年十月闕新樂器紫
 于崇德殿出古器以示百官紫
 煙燎而燿火升靈光屬而風馬下禮儀既備知帝顧之
 不違福祿來崇豈朕躬之專享宜孚渙號溥洽羣倫可
 大赦天下於戲申命用休俾緝熙于純嘏配天其澤用
 敷錫厥庶民尙賴同德蓋臣秉文多士克咸勵翼永保
 隆平壬午上神宗哲宗諡號是年十月三日御筆手詔

朕若古之訓惟天爲大觀天下物無以稱之故先王以
 類而求祀于圜丘象其形奠以蒼璧象其色冬至之日
 取其時大裘而冕法其幽而未有以體其道夫天立而
 地黃立天道也上天顧諟錫以立圭內赤外黑尺有二
 寸旁列十有二山蓋周之鎮圭有法乎是祗天之休于
 以昭事上帝而體其道過周遠矣將來冬祀可摺大圭
 執立圭庶格上帝之心以孚祐于下民永爲定制宋史是
 年以十一月癸未祀昊天上帝于圜丘先
 一日壬午饗太廟因上神宗哲宗諡號
 十一月十日南郊赦文宋史徽宗政和六年十一月
 己亥祀昊天上帝于圜丘大赦

此書失載年號以赦文門下朕紹膺景命嗣守丕基尊

臨九有之師親攬萬幾之務翼翼敢忘夫寅畏兢兢常

謹于繼承躬宵旰之勤以圖天下之久軫淵冰之慮以

保天下之安屬者百穀順成五緯來敘干戈載戢固圉

屢空元命之辰九支占南極之瑞誕彌之旦三山紀黃

流之清是年冀州三山黃河清宋史不紀其月日攷

可補宋史之闕樂作而羽鶴翔鼎定而慶雲集名山顯位斷封

禪者數萬人絕域殊方徠臣妾者十一國有邦之應于

朕豈功物生本乎天唯聖人爲能饗人道先乎祖雖天

子必有尊迪惟古訓之循實重國陽之報固嘗辨先王

之吉禮庶乎革台祭之非奉上帝之徽稱蓋以正異名

之失茲協豐年之屢載迎至日之長于時歌昊天成命

之詩奏園鍾六變之樂奠璧以致蠲潔升烟以適高明

克禋克祀而精意昭來假來饗而珍符下肆緝熙于純

嘏以敷錫于庶民其播大猷用推曠澤可大赦天下於

戲報本反始得萬國之歡心蕩垢滌瑕對三靈之蕃祉

尙賴股肱良弼屏翰舊臣益殫忠藎之圖光輔隆平之

運同底于道永孚厥休

十一月十三日南郊赦文

宋史徽宗宣和元年十一月乙卯祖昊天上帝于園丘

大赦此條失載年號以赦文攷之當在是年

門下觀會通以行其典禮允符

昌運之隆美盛德而告于神明茲迪精禋之饗朕肇膺

駿命嗣守鴻業撫九有之嘉師開萬邦之壽域兢業克

艱于底乂寅威罔怠于求端聿承燕翼之謀哀對博臨

之貺屬者道源闡教帝祉凝釐農扈載謠黍稷報千倉

之慶明堂御歷璣衡觀七政之齊氏羌款塞以咸賓

史是年六月夏人納款詔六路罷兵狴犴空圜而不式滎河順紀喬嶽錫

符丹闕瓊臺屢下叢霄之蹕彤烏秀草共昭炎德之祥

永惟奕世之休罔匪自天之祐爰申茲祀比答真祺是

用測儼籥以迎長備鑿輿而展采羽林綺列闕五門象

魏之嚴法駕星陳正六引旗章之度夙祇清廟恭祓崇

壇耨王藉以奉盛載誕豐年之報潔宮蠶而修幣用端

永命之所東都事畧是年二月詔行藉田三月皇后親蠶景鍾道和樂之音

嘉稔薦大尊之齊純精昭格肸蠭潛通月璧星珠紛燎

煙而上徹雲車風馬欻颿馭以來臨肆均拜胙之禋式

霈滌瑕之宥誕揚渙號敷告多方可大赦天下於戲佑

烈祖以格皇天予惟克邁乃訓綏多福而熙純嘏邦其

永孚于休尙賴輔弼同寅官師勵翼共浹無爲之化茂

隆畧洽之圖

四年十一月十五日南郊赦文

宋史徽宗宣和四年十一月庚午祀昊天上帝于園丘大赦此書失載年號

帝于園丘大赦此書失載年號門下事上帝而懷多福

非禮祀不足以昭報本之誠紹大業以綏四方非升侑

不足以極奉先之孝朕荷三靈之儲社奉列聖之詒謀

制治保邦克懋持盈之訓立政造事敢忘繼緒之思彌

文監虞夏之隆成憲復熙豐之舊百度惟正庶績其凝

士迪典常盡革淫朋之習民興淳樸式符道紀之昌人

後志以丕欽天監誠而孚佑清臺觀象瑞占七政之齊

陽館頒常運協四時之敘雨澤應期而播潤河宗聽命

以回流農扈奏功黍稷嗣豐年之慶燕民效順封疆歸

輿地之圖

九朝編年是年八月遼郭刑清而囹圄屢

空物遂而動植咸若驗諸福之畢至豈成功之敢居恭

念祭不欲疏者禮之經物無以稱者天之德肇卜迎長

之旦聿修肆類之儀簠簋豆籩秩九州之嘉薦旂常罕

畢儼八衛之禮容庶邦底貢以駿奔多士秉文而顯相

稽魯人先事之義以前饗于太宮歌周王成命之詩肆

靈承于有昊衍我烈祖徧于羣神禮三獻而精意昭樂
 六奏而靈祇下祥光旁燭景貺備臻修德錫符已應克
 誠之享行慶施惠用均拜胙之禧嘉與萬方共膺純嘏
 可大赦天下於戲百神受職知帝命之不違五福錫民
 淡海隅而不冒尚賴忠良修輔文武協恭益堅勵翼之
 心永底輯寧之治爰咨爾衆咸體朕懷

十一月十九日南郊赦文

宋史宣和七年十一月丙戌祀昊天上帝于園丘大赦

此書失載年號以日月及門下皇武肇禋是創萬年之

赦文攷之知當在是年也業大明制禮爰釐二至之祠朕恭承休光永念丕緒

我烈祖實賴賢能之衆多格于皇天當由閭里之安樂
 整飭百度撫綏兆民神明享持守之誠華夏樂憂勤之
 政屬者多稼徹燕雲之野齊氓安海岱之區遠人慕義
 而玉帛來川后畏威而波濤弭荷天休之震動莫不率
 從奉王業之艱難庶無罪悔是用誕舉豐年之報肅迎
 景至之期吉事有祥先致殊庭之薦大禮必簡併嚴清
 廟之承焜煌于乘萬騎之容終始七戒三齋之德迺潔
 誠于陽館遂祇事于泰壇風馬雲車仰百靈之瞻顧星
 珠月璧知四海之清明兵錫蕃禧用宏大資可大赦天

下於戲薦馨香之治益承九廟垂裕之休施曠蕩之恩
更應一陽發生之候尙賴官師協德黎獻願忠其扶不
拔之基永篤無疆之慶

十一月二十二日南郊赦文

宋史禮志高宗建炎二年駕至揚州築壇于江都

縣之東南是年十一月壬寅祀昊天上帝于圜丘大赦以太祖配此書失載年號以赦文攷之知當在是年也
門下觀會通以行典禮莫嚴定位以交神遠罪疾而弭
裁兵亦或因時而致禱朕承天統誕受多方屬外患之
相仍爰省方而臨幸念父母兄弟尙屈于敵疆惟甲冑
干戈再淹于歲序問寢闕温清之奉在原深急難之情

信使屢馳久猶未報全師再遣坐待底寧復盜竊之無
良乘邊陲之多事馮陵州縣震擾民氓衣冠傾仆于道
塗耒耜荒殘于本業行者未知所適居者莫獲其安傷
閭里之疾苦則撫循之政尙愆閱行陣之勤勞則休息
之期猶遠每撫心而及此累當食以興嗟險阻艱難固
備嘗矣勞來還定孰安集之豈菲德之敢圖惟上穹之
悔禍永懷眷祐恭俟監臨雖丁多壘之辰適在當郊之
歲惟祭之或祈或報必大時物之宜而禮之有儉有豐
特視情文之稱是用講有虞東巡之制循建武二成之

規新卷冕以嚴恭逮胥徒而齊沐蓋高在上聰明皆自
 于我民與善惟人治亂尤艱于天位既殫誠惻彌極戰
 兢仰覆冒之何心詎存時怨況顛危之已甚寧忍我遺
 疾呼反本而必聞精意默通而可動庶幾來假式燕多
 難新命舊邦協幽明而竝貺此疆爾界一內外以均安
 其敷曠蕩之恩以廣龐鴻之施可大赦天下於戲為斯
 民而請命敢忘庶戮之無辜置大器于復安實冀昊天
 之所子尙賴六服羣辟三事大夫共宏恢復之功亟底
 隆平之業

宋史紹興十二年臣僚言南巡來三歲祀明堂而郊天大祀未舉來歲乞行之十三年

三月築園丘于臨安府行宮東城之外自是高宗凡六郊是年十一月庚申冬至合祀天地于園丘以太祖太宗竝配大赦此下當別有赦文今無從攷補

十一月十日南郊赦文

宋史紹興十六年十一月丙子合祀天地于園丘大赦此書

失載年號以赦文攷之知當在是年也

門下朕以菲躬獲承大寶賴三靈

之純佑宏濟艱難遵列聖之詒謀紹隆基緒干戈載戢
 囹圄屢空田疇胥慶于豐穰華夏迄臻于綏靖繫神所
 眷豈朕克堪念物皆本乎天宜謹精禋之報而德無加
 于孝聿修竝侑之儀豫飭司存肇新器用迎土圭之至
 景卽皇邸之齋居祇祓崇壇具嚴吉禮設陶匏而尙質

肅繭粟以貢誠籩豆靜嘉璧琮華潤粢盛蠲潔出于耕

藉之藏筍虞周環冠以景鍾之奏紹興十一年正月親饗先農于東郊行

藉田禮五月作景鍾十月帝觀新作禮器于射殿撞景鍾奏新樂佩玉鏘鳴而羣心肅

燎煙升舉而協氣充惟鉅典之備成敢蕃釐之專享旋

輿端闕霈澤寰區可大赦天下於戲降祉發祥既荷博

臨之貺赦過宥罪詎昭敷錫之恩更賴文武同寅股肱

修輔益思懋勉永底丕平

十一月十四日南郊赦文宋史紹興十九年十一月壬辰合祀天地于園丘大赦

此書失載年號以赦文攷之知當在是年也門下父天母地報莫重于精禋

尊祖欽宗孝莫嚴于陟配朕祇承駿命纂紹丕圖每念

王業之難所其無逸矧茲神器之重必置諸安方撥亂

而興衰惟履信而思順上穹孚佑列聖垂休甘露降而

風雨時五穀熟而民人育宋史是年四月湖廣江西路建康府並降甘露七月頒

農善于郡邑邊鄙不聳囹圄屢空顧以眇躬膺斯景賦是用

迎一陽之長至舉合祭之上儀先清廟以告虔衍我烈

祖升園壇而肆類徧于羣神禮三獻而肸鬻通樂六變

而風馬降祥光旁燭協氣橫流載惟熙事之成實得歡

心之助上焉承祐豈予一人之敢專下以錫民惟爾萬

方之址受於戲易薦上帝德崇而刑罰清詩美太平神
寧而福祿下更賴忠良協贊內外交修共隆不拔之基
永底無為之治

十八日南郊赦文

案宋史紹興二十二年十一月戊申合祀天地于圜丘大赦此書但稱十

八日失載年月以十一月戊申推之為十八日知當在是年也門下肅若古先鋪闡典

制蓋物本乎天而人本乎祖肇郊廟之明禋唯聖能饗
帝而孝能饗親展皇王之高致重循菲德獲履丕圖體
昊穹率育之仁每計安于黎庶嗣列聖好生之訓不輕
用于干戈陟降既孚邇遐咸乂九穀秀康年之畝五辰

澄宣夜之躔犴圖簡清疆陲整服祇荷博臨之眷敢忘
昭事之誠爰修三歲之彌文式戴一純之大報款真庭
而朝獻假太室以裸將遂造雲陽之宮以迎日至之景
合祛天地升侑祖宗踐豆薦芳見會通之行禮鳴鐘應
律寫和樂以成音佳氣焜于樵蒸美光充于陔陞高靈
竝貺熙事備成濟濟駿奔有同寅之多士穰穰山委可
專饗于蕃釐發肆恩言普施惠術可大赦天下於戲惇
將禮以秩祀儀模日月之昭受厚福以漸民號法風雷
之布更賴經邦公輔服采臣工永肩勵翼之衷共托隆

平之業

赦文 宋史紹興二十五年十一月癸亥合祀天地于丘大赦此書失載年月日以赦文攷之知當在是年 門下朕膺申命之休履中興之運惟發祥流慶之

既遠敢昧靈承念創業守文之為難每勤紹復儲精神而聽斷寶慈儉以化民荷穹昊之降康賴列聖之孚佑五兵不試寰宇阜安百穀用成刑罰清省靈芝連葉于

廟柱 宋史是年五月太廟昭朝饗之孝祥嘉禾合穎

于甸郊備粢盛之潔薦諸福畢至豈朕敢當是用敦報本反始之誠備飭躬施教之義維天神地祇之貴祭莫

重于合祛維祖功宗德之隆孝尤先于升侑迺備乘輿之駕迺率侍祠之臣謁款殊庭裸將太室候黃鍾之初氣奉紫時之明禮禮三獻而有儀樂六變而告備神光竝見協氣橫流資我思成既秩精能之祀配天其澤爰施汪濊之恩肆舉邦彝誕敷渙號可大赦天下於戲事上帝而懷多福益堅不已之純惠中國以綏四方宜有大賚之慶更賴爽邦哲輔服采羣工共循宏遠之模永保安強之治

赦文 宋史紹興二十八年十一月己卯合祀天地于丘大赦此書失載年月日以赦文攷之知當在

是年也 門下朕欽紹慶基肅遵昭式謂因天事天而因地

事地有丘澤之合祠惟以聖繼聖而以明繼明宜祖宗

之並侑每躬三歲之祀茂輯百神之釐既益厲精更思

圖又體覆載無私之德廓爾大公奉燕詒有永之謀丕

釐庶政中外闡懌顯幽統和靈臺申偃伯之占砥路息

鳴桴之警象載昭察甫田登成既膺孚佑之休當極濟

明之報是用躬飭鸞路涓熙紫壇斂帝藉以共粢盛裁

天歌以序金石宋史是年七月帝親製郊廟樂章祇見恭館裸將太宮

遂迎景至之長載蕝郊禋之吉大宗祈而宴饗嚴陟配

以宣延實俎焚膏旅令芳之嘉薦展詩應律鏘繳繹之


和聲精意洞乎九閔祥光襲乎五瑞清明鬯矣事既底

于備成福履綏之美敢矜于專享誕受函蒙之祉普施

曠蕩之恩於戲馨香感于神明哀對一純之祐膏澤洽

乎黎庶竝臻四極之熙尙賴輔弼同寅官師率職協亮

有邦之采永恢長世之圖



其所以示承鴻長世之圖
 平務熟其時曰以之
 其所以示承鴻長世之圖
 平務熟其時曰以之
 其所以示承鴻長世之圖
 平務熟其時曰以之
 其所以示承鴻長世之圖
 平務熟其時曰以之
 其所以示承鴻長世之圖
 平務熟其時曰以之
 其所以示承鴻長世之圖
 平務熟其時曰以之

宋朝事實卷五

宋朝事實
 卷五
 其所以示承鴻長世之圖
 平務熟其時曰以之
 其所以示承鴻長世之圖
 平務熟其時曰以之

